

## OPĆINA NOVI GRAD SARAJEVO

## Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05) i člana 37. Statuta Općine Novi Grad Sarajevo ("Službene novine Kantona Sarajevo", broj 30/09 - novi prečišćeni tekst), Načelnik Općine Novi Grad Sarajevo, dana 05.06.2013. godine, verificovao je

## ODLUKU

O KOREKCIJI IZMJENA I DOPUNA REGULACIONOG  
PLANA "OTOKA - MEANDAR" - POSLOVNI OBJEKTI  
I SPORTSKO IGRALIŠTE UZ ULICU ŽRTAVA  
FAŠIZMA

## Član 1.

Usvaja se korekcija Izmjena i dopuna Regulacionog plana "Otoka - Meandar" - poslovni objekti i sportsko igralište uz ulicu Žrtava fašizma (u daljem tekstu: korekcija Plana), "Službene novine Grada Sarajeva", broj 26/08.

## Član 2.

Korekcija se odnosi na lokalitet poslovnih objekata i sportsko igralište uz ulicu Žrtava fašizma, koji se nalaze na zemljištu označenom kao k.č. 38/1 i 38/20, K.O. Novo Sarajevo III (novi premjer), a za koji se traži redizajn i rekonstrukcija postojećih objekata, te rotiranje postojećeg sportskog igrališta.

Površina pripadajućih parcela na zemljištu označenom kao k.č. 38/1 i 38/20 K.O. Novo Sarajevo III (novi premjer), iznosi 8.376 m<sup>2</sup>.

Korekcijom se zadržavaju postojeći poslovni objekti uz ulicu Žrtava fašizma, spratnosti P, tlocrtna površine 268 m<sup>2</sup> i BGP 268 m<sup>2</sup>, uz mogućnost rekonstrukcije i redizajna istih. Predmetni objekti su Planom bili predviđeni za rušenje.

Postojeće sportsko igralište dimenzija 40x21 m se rotira za 90°, na propisnoj udaljenosti od postojećih poslovnih objekata i u okviru planirane regulacione linije VII transferzale, a prema grafičkom prilogu ove Korekcije.

## Član 3.

Korekcija Plana sastoji se iz tekstualnog dijela i grafičkog priloga br. 8 "Urbanistički koncept" u mj. 1:1000). Tekstualni dio i grafički prilog korekcije Plana su sastavni dio Izmjena i dopuna Regulacionog plana "Otoka - Meandar" ("Službene novine Kantona Sarajevo", broj 26/08).

## Član 4.

Korekcija Plana je radena za faze urbanizma i saobraćaja, a obaveza Investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna regulacionog plana "Otoka - Meandar", te pribavi saglasnosti nadležnih javnih komunalnih preduzeća.

## Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Gradske uprave Grada Sarajeva i Ministarstva saobraćaja Kantona Sarajevo.

## Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-23-10263/13  
05. juna 2013. godine  
Sarajevo

Načelnik Općine  
Novi Grad Sarajevo  
Mr. Semir Efendić, s. r.

## OPĆINA NOVO SARAJEVO

## Općinsko vijeće

Na osnovu članova 73, 74. i 77. Zakona o budžetima u Federaciji Bosne i Hercegovine ("Službene novine Federacije BiH", broj 19/06, 76/08, 5/09, 32/09, 51/09, 9/10, 36/10 i 45/10), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 19. stav 1. alineja 3. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Općine Novo Sarajevo, na 7. sjednici održanoj dana 30.5.2013. godine, usvojilo je

## IZVJEŠTAJ

O IZVRŠENJU BUDŽETA OPĆINE NOVO SARAJEVO  
ZA PERIOD 01.01.2012 -31.12.2012. GODINE

## I

Izvršenje Budžeta Općine Novo Sarajevo za period 01.01.2012. - 31.12.2012. godine ostvareno je u obimu i iznosima kako slijedi:

1. Ukupno ostvareni prihodi i primici . . . . . 20.304.320,46 KM
2. Ukupno izvršeni rashodi . . . . . 14.910.615,43 KM
3. Razlika ostvarenih prihoda i izvršenih rashoda (1-2) . . . . . 5.393.705,03 KM

## II

Razlika između ostvarenih prihoda i primitaka i izvršenih rashoda i izdataka iznosi 5.393.705,03 KM i ista su prenešena i raspoređena u Budžet Općine Novo Sarajevo za 2013. godinu.

## III

Ostvareni prihodi i primici i izvršeni rashodi i izdaci po ekonomskom kodu, odnosno namjeni iskazani su u bilansu Budžeta kako slijedi: